

天一閣藏明代方志選刊續編



嘉靖浙江通志中冊（浙江）

天一閣藏明代方志選刊續編
二五

上海書店

浙江通志卷二十

祠祀志第四之二

紹興禹廟在會稽山東北麓禹陵之右舊傳夏少康封庶子無餘於越乃立廟于禹陵東廡祀啓西廡祀臯陶伯益岳牧梁時修廟俄風雨大至湖中漂梅木一株取以爲梁名曰梅梁語見地里志宋建炎初加葺政和四年卽廟爲道士觀額曰告成下臨鑑湖

本朝洪武三年著令每三歲一遣道士齋香帛致祭登極則遣官祭告有司以春秋仲月祭其禮與社稷同天順三年知府彭誼嘉靖三年知府南大吉相繼

重修正殿凡七間重簷周廊東西有廡中爲門門左
右有屋前有崇陛又前有石門其外西出爲大門東
出依山之麓爲神厨爲庫爲宰牲房其內東廡之南
旁出東上至山半有窆石亭亭中有石高六尺餘旋
首而豐下相傳爲禹下棺石又嵯縣了溪之上亦有
禹廟世謂禹治水畢功於此故後人于此立廟焉南
鎮廟在府治南會稽山之陰周禮職方氏揚州之鎮
山曰會稽秦并天下以會稽爲名山祭用牲犢圭璧
晉成帝咸和八年從祀北郊隋開皇十四年就山立
祠唐天寶十載封永興公以南郊迎氣之日祭宋淳

化二年從秘書少監李至言以立夏日祀永興公於
越州後加封永濟王元改封昭德順應王至大二年
守朶兒赤修 本朝洪武三年詔去前代封號稱南
鎮會稽山之神命有司歲以春秋祭如禹陵水旱災
傷則別遣官告祭宋孝宗永阜陵理宗永穆陵率三
歲一遣道士齋香帛致祭登極則遣官祭告劉侯廟
初在山陰禹會鄉郡人建以祀漢太守劉寵唐時賜
額靈應宋改封靈助侯元至正間帥周紹祖徙錢清
北鎮 本朝去封爵稱漢會稽太守劉侯歲以春秋
祭曹娥廟在府東北七十二里東漢元嘉元年上虞

長度尚爲立碑尚弟子邯鄲淳撰文蔡邕聞之來觀

值夜以手模而讀之題曰黃絹幼婦外孫鰲曰

其文云孝

女曹娥者曹盱之女也其與周同祖末胄荒落爰茲
適居盱能撫節按歌婆娑樂神以漢安二年五月五
日迎任君逆濤而上爲水所淹不得其屍時娥年十
四號慕思盱哀吟澤畔旬有七日遂投江死經五日
抱父屍出以漢安迄于元嘉元年莫之有表度尚設
祭以誄之詞曰伊唯孝女曄曄之姿偏其反而令色
孔儀窈窕淑女巧笑倩兮宜其室家
在洽之陽大禮未施嗟喪慈父彼蒼伊何無父孰怙訴神告哀赴江
永號視死如歸是以眇然輕絕投入沙泥翻翩孝女
載沉載浮或泊洲渚或作中流或趨湍瀨或逐波濤
千夫失聲悼痛萬餘觀者填道雲集路衢泣淚掩涕
驚動國都是以哀姜哭市杞崩城隅或有尅面引鏡
釐耳用刀坐臺待水抱樹而號於戲孝女德茂此儔
何者大國防禮自修豈况庶賤露屋草茅不扶自植
不斷自彫越梁過宋比之有殊哀此貞勵千載不渝
嗚呼哀哉辭曰名勒金石質之乾坤歲數歷祀立廟

墳光于后土顯昭夫人生賤死貴利之義門何恨
華若飄零早分葩艷窮窈永世配神若堯二女爲相
夫人時効髣髴以昭後昆

宋熙寧十年著在祀典淳熙十年會稽
令董楷以上虞朱娥配食其側朱娥事在列女志中
舊亦有廟在上虞八里俗呼爲救婆廟至是與曹娥
共廟元至元二年令尹呂誠重修本朝因之歲春

秋祭嘉靖四年知府南大吉又修并以郡列女從祀
東西廡山陰越勾踐祠在城西北即光相寺基改建
舊在臥龍山北扁曰越王祠嘉靖九年徙今所十五
年提學徐階改今額歲春秋祭王右軍祠在蕺山戒
珠寺寺卽右軍別業劉太守廟在禹會鄉祀漢太守

劉寵唐曰靈應廟宋改封靈助侯元至正間移建于
錢清北鎮朱太守廟在昌安門外四里漢朱買臣守
郡有破甌越功民廟祀之元至元五年山陰尹高文
秀重修馬太守廟在縣西六十里廣陵陡門上祀東
漢太守馬臻一在鑑湖梅福廟在縣西二十里梅里
尖山之麓武肅王廟在縣南五里祀吳越王鏐司馬
溫公祠在縣治北五里愍孝廟在縣臥龍山東麓祀
宋孝子蔡定歲春秋祭稽山祠在稽山書院中祀宋
朱文公歲以仲春秋行釋菜禮和靖祠在和靖書院
中祀宋尹和靖先生歲以仲春秋行釋菜禮雙義祠

在縣治東南祀宋唐王林景熙陽明先生祠在府城

內祀陽明王先生嘉靖十六年建名新建伯祠三十

一年余視學至祠改今名

告文嘉靖壬子春二月後學武進薛應旂視學紹興

謁陽明王先生祠見祠以新建伯題額因思先生之所以振起乎俗學者存乎人心者恐不專在是也屬紹興府知府梅守德易以今額具香帛果醴爲文以告之曰於乎先生豪傑之才聖賢之學闡世路之榛蕪闡吾道之精一真有繼往開來之德不止勤事捍患之功旂等雖未及門竊幸私淑頃登先生之祠會先生及門之士議易今額直書曰陽明先生祠謹用告知劉太守生祠在臥龍山南麓祀前知府劉麟麟後官至尚書按麟在郡五日而去遂有此祠昔孔子子產爲政三月而人怨之孰謂越人之易于感動不在魯鄭之人之上哉會稽

旌忠廟在臥龍山東南榻子橋側祀宋衛士唐琦琦
開封人建炎四年扈高宗巡會稽會李鄴以郡降金
金遣其下號琶八大師者爲知州而檄鄴爲同知琦
候琶八鄴俱出懷巨石趣上道旁小閣奮擊之不中
琶八鄴執以歸琦大罵不絕且謂琶八曰吾欲碎汝
腦作趙官家鬼琶八氣折曰金兵數百萬汝殺我一
人何益琦曰汝敢來爲此州主故欲殺汝又顧鄴曰
我請官一石五斗米尚不肯負國汝受國恩何如所
爲乃爾豈人類耶琶八亟命引出殺之罵猶不止後
帥傅崧卿爲立廟祀之

傅崧卿祭文乙巳之冬金虜
大入塞太上皇內禪幸浙明

年正月虜兵徑犯京師議和于城下而還是冬再犯京師明年春二聖出待朔漠五月令天子卽位又明年冬虜深入渡淮已酉二月遂犯揚州天子幸杭其冬虜分兩道寇江浙其一由武昌渡江犯洪州六宮百司衛從隆祐後遷于處以避之虜自洪進兵西南至瀏陽西北至建昌其一由歷陽渡江破建康陷太平廣德進破杭渡錢塘江入越陷明天子前自越幸明自明航海幸溫今年二月虜始捨明越而西復陷秀陷平江達于鎮江並山鑿河通道建康卒以其衆若所掠吳越之人濟江而北徘徊于淮南至于今去否所不得知也嗚呼虜內侵六年國家之難生民之禍至此極矣前世未有也士大夫畏避至不敢誦言虜爲賊其能爲吾宋伏節死難者有幾侯以衛士武人生不知書遇亂憤發顧不能愛其死組繫虜酋設罵降帥至死猶不絕口其義豈惟今人之所希見古書傳所載何以尚茲嗚呼偉哉崧卿時治兵在衢方道路梗絕旁郡縣行事往往不相聞知惟侯之事謀者爭相傳以爲美談至一日十許告聞者相與嘆惜有爲流涕者或恨不與之偕死已而崧卿守越凡在越之人類皆言之叅考旣審亟以其事聞天子愍嘉

之詔議追褒而邦之人復相與請建祠宇以旌侯之忠以勸來者乃作之廟方湏其成請額于朝且記其事于石未及而崧卿旣以病免矣于其行日姑以不腆之酒禮于像貌之前而致告焉

陳汝錫

請賜額隆興中帥吳芾修元至正六年推官貢師泰

重修 本朝因之歲春秋祭舜廟在縣東南百理上

有巡守臺下有望陵祠

林景熙詩磬斷薰絃萬壑幽三千年事水空流衮衣剥落

星辰古野廟淒涼鹿豕秋孝友風微惟古井神明又

胄冷尚荒州九疑回首孤雲遠老泪班班楚竹愁

上虞西南四十里握登山之巔有廟曰握登聖母世

傳舜母名握登生舜于姚墟因姓姚氏後人于此立

廟祀之餘姚雲柯鄉歷山上及百官市梁湖堰皆有

舜行宮云馬太守廟在鏡湖祀東漢守馬臻唐開元

中刺史張建蕭山德惠祠在淨土山麓祀宋縣令
龜山楊公 本朝尚書文靖魏公初龜山浚湘湖民
德之祀公及丞郭一源于湖口號楊郭二長官祠後
廢成化元年有司請建廟于今所賜額德惠又以驥
亦嘗有功於湖請附祀焉歲春秋祭寧濟廟在縣西
十里西興鎮祀浙江潮神歲以八月十五日祭護堤
侯廟在縣東北長山宋時建祀漕運官張亮亮生有
奇功歿爲明神祈禱屢應又新林運河北有行宮邑
人以其地數被潮患祀侯鎮之並歲春秋祭今沿海
山城水閘要害之所多有張相公廟傳亦謂侯云岷

縣清風祠亦名貞婦祠在縣北三十里青楓嶺上祀

宋貞婦王氏元至治中建賜祠額歲以仲春秋望日

祭

元張翥詩清風嶺頭日色赤嶺下崕江千丈黑數
行血字尚爛斑雨蕩霜磨消不得當時一死真勇

烈身入波濤魂入石至今苔蘚不敢生上與日月爭
光晶千秋萬古化為碧海風吹斷山雲腥可憐薄命
良家子千金之軀棄如土奸臣誤國合萬死天獨胡
為妾遭虜古來喪亂何處無誰肯將身事他主兵塵
瀕涸迷天台骨肉散盡隨風埃楓林影黑寒燐墮精
靈日暮空歸來堂堂大節有如此正當廟食標崔嵬
君看嶧江之畔石上血直諸暨陶朱公廟在陶朱山
與湘竹之上淚痕俱不滅

麓祀越相范蠡

元吳處厚記窮之與達繫乎命用之
與舍繫乎時得之與喪在乎天去之

與就在乎我四者古君子出處之大節而公皆兼而
得之不亦智矣乎公之事業最詳于國語及史記與
吳越春秋當是時越與吳相持幾三十年吳嘗勝越
嘗敗吳辟則虎越辟則鼠勾踐之命在于夫差掌握

公力與臯如計倪諸稽郢大夫種諸臣聞
未嘗少變其節乃說勾踐卑辭重幣頓顙屈膝
籍其莞庫質其妻子爲吳奴虜及囚石室又說飲溺
嘗惡以媚夫差而夫差不悟乃伐齊而救越復貪與
諸侯會于黃池及越焚姑蘇入其郛猶與晉公午爭
長不以爲恤旣而民疲歲饑禍稔數極公卒與越之
君臣因其困乘其敝一舉而滅之故曰持盈者與天
定傾者與人節事者與地此之謂乎君王之耻已雪
霸國之業已成在他則邑萬戶祿萬鍾爲師尚父
寵之終身固其宜也公獨以功名不可以多得富貴
不可以常保瞥然輕舟飄然五湖投紹紳如柴枻棄
妻奴如敝屣冥冥而飛泊泊而遊網不能綱繳不能
弋鳥喙雖長而不能喙屬鏤雖利而不能割存耶亡
耶死風波耶葬魚鱉耶泛溟渤登蓬萊羽化而仙耶
俱不可得而知也徒使越之人愛之不忘念之不足
鑄金而禮其象環地而封其域與夫貪權冒寵市禍
賈患而遂脂鼎鑊血刀鋸爲魚爲蠡又有廟在上虞
肉爲菹爲醢者豈可同年而語哉

坤山洪武間重修紫陽祠在縣西隅祠故爲社學嘉

靖初建祠祀文公朱子歲以仲春秋丁祭後一日祭
餘姚嚴子陵祠舊在客星山墓所弘治七年叅政周
木徙龍泉山巔正德十年同知屈銓又徙山之南麓
歲以仲春秋丁後三日祭忠烈祠在龍泉山南麓祀
本朝贈禮部尚書孫燧嘉靖二年知縣丘養浩建陽
明先生祠在龍泉山舊爲上房僧舍先生嘗講學于
此嘉靖十四年提學徐階因爲建祠先生手書學規
今猶在壁間學規雖有天下易生之物一日暴之十
日寒之未有能生者也承諸君之不鄙
每予來歸賦集于此以問學爲事甚盛意也然不能
旬日之留而旬日之間又不過三四會一別之後輒
復離群索居不相見者動經年歲然則豈惟十日之
寒而已乎若是而求萌蘖之暢茂條達不可得矣故

予切望諸君勿以予之去留爲聚散或五六日八九日雖有俗事相妨亦須破冗一會于此務在誘掖獎勵砥礪切磋使道德仁義之習日新日密則世利紛華之染亦日遠日疎所謂相觀而善百工居肆以成其事者也相會之時尤須虛心遜志相親相近大抵朋友之交以相下爲益或議論未合要在從容涵育相感以誠不得動氣求勝長傲遂非務在默而成之不言而信其或矜己之長攻人之短麤心浮氣矯以沽名許以爲直挾勝心而行憤嫉以圯族敗倫爲祠志則雖日講時習于此亦無益矣諸君念之念之祠左有海日樓先生建以館四方遊學之士亦曰海日書院縣令胡公生祠在勝歸山嘉靖二十八年邑士民思知縣胡宗憲德政立祠以祀上虞朱文公祠又曰水東精舍在縣東四里嘉靖三年知縣楊紹芳廢龍王堂爲之中建奎光閣給祀田歲以春秋祭新昌